

նիլ դատաստան ըստ Օրինօք հայոց 'ի վերայ գործոց ձեռաց իւրոց, և կրկին եթէ կամի ելանել ստացուածօք իւրօք առ աշխարհն իւր որում ժամանակի որ ինքն կամեսցի հատուցանել պարտէ տասանորդ ստացուածոց իւրոց, և մնացորդն ազատ լինի տանելոյ ուր որ ինքն կամեսցի:

Գ Լ ՈՒ Ն Ճ Ի Թ.

Մի ոք իշխեսցի նախատանօք և կամ հայհոյութեամբ բանալ բերանս իւր ընդ դէմ պատուոյ և պաշտելոյ առն ումեք ով որ իցէ:

Գ Լ ՈՒ Ն Ճ Լ.

Ստացուածք անձամբ աշխատեցեալ ամենայն արանց յետ մահուան իւրոյ եթէ գտանիցի կտակ ննջեցելոյն կատարումն առցէ 'ի վերայ բանին նորայ ըստ զրեցելոյ կտակին, եթէ ոչ ստացուածքն ննջեցելոյն բաժանեսցի 'ի վերայ մնացորդաց իւրոց:

Նախ ծախ թաղման ննջեցելոյն.

Երկրորդ վարձ բնակութեան տանն և վարձ սպասաւորաց:

Երրորդ ծախ պաշտօնէի, ըստ արժանոյ.

Չորրորդ կէսն 'ի բոլոր ստացուածոց կնոջս և կամ առն եթէ ոչ ունեսցեն զաւակ.